

— „Biéla fimana, tignime sta galeína.“ — Sta fimana ga deî: — „Matila, feio, là deî deîndi.“ — L' uó misso sta galeína là deî deîndi, e i deîndi ga l' uó magnáda. El deî dreio loû, el va par ciúla, el nu la cáta e 'l ga deî a sta fimana: — „Úla zi la galeína chi v' ié dá giéri?⁹⁾ — La ga deî gíla: — „I deîndi va la varuó magnáda“ — „Mah, el ga deî loû, meî vuói la ma galeína; o dime la ma galeína, o dime oûn deîndio!“ — Sta fimana, a g' uó tucá daghe oûn deîndio. Loû, el ciápa stu deîndio, el cameína, el cameína, el va là de oûn' áltra fimana e 'l ga deî: — „Biéla fimana, tignime stu deîndio.“ — Sta fimana ga deî: — „Purtilo in stála, e matilo insiéme cú puórchi.“ — Loû, el l' uó purtá in stála, el l' uó misso insiéme cú puórchi, e i puórchi ga l' uó magná. La sira, el va par zeî a ciúlo e 'l cáta el deîndio magná. Stu zúvano ga deî a sta fimana: — „O dime el ma deîndio, o dime oûn puórco.“ — Sta fimana a g' uó tucá daghe oûn puórco. El cameína, el cameína e, a caminándo cu stu puórco, el vido oûna stála, ch' a gira oûn ómo drénto, e 'l ga deî: — „Biél ómo, tignime stu puórco.“ — Stu ómo ga deî: — „Matilo drénto in stála là ch' a zi i cavái.“ — Loû, el l' uó misso stu puórco là, e i cavái ga l' uó magná. El va la sira a ciúlo, e 'l cáta el puórco magná. El spieta ch' a viégno l' ómo da fóra⁹⁾ e 'l ga deî: — „Biél ómo, i nu saví¹⁰⁾ chi i cavái m' uó massá el puórco?⁹⁾ — „Adiésso, el ga deî, o dime el ma puórco, o dime el cavál“ — Stu ómo, a g' uó tucá daghe el cavál. Stu zúvano, el mónta su stu cavál: el truóta, el truóta e 'l reíva là de oûna cása; el sénto ch' a sa piúra,¹¹⁾ el va in sta cása a vidi chi che piúra, e 'l vido dúi zúvani, chi piuriva su máre, che gira muórta; el va là e 'l ga deî: — „Meî, i va dágo stu cavál, e vúi dime vóstra máre inuórta.“ — Sti zúvani g' uó dá su máre muórta, e lúri, i s' uó ciúlto el cavál. Sta fimana muórta, loû el sa l' uó míssa su li spále, e 'l zi zeî a caminándo el móndo. A caminándo ch' el zi zeî, el reíva intúna lucánda, e 'l méto sta fimana davánti la puórta de la scála. A va zú el parón de la lucánda; el viérzo sta puórta, e 'l boûta zú sta fimana; el cúro, par vidi chi ch' a zi, el la túca, el vido che la zi muórta. Stu zúvano, alúra, el cúro là e 'l ga deî: — „O dime ma máre

⁹⁾ Campagna. ¹⁰⁾ Sapete. ¹¹⁾ Piange.